



13
1789
10



48
1789
10



事物異名錄卷三十一

慈谿 厲靜菴先生荅 原輯

仁和 關晉軒先生槐 增纂

百草部

總名

軟茵 綠茵 翠茵 許謙詩春風生草雉堞深隨處

軟茵堪小坐按軟茵謂草又名綠茵翠茵

王孫 老學菴筆記國初尙文選故草必稱王孫

著

神草 本草著乃蒿屬神草也

芝

茵 爾雅茵芝疏瑞草名一歲三花一各茵一名芝

白符 抱朴子芝名白符

木樾 爾雅翼芝木樾

菌蠢 格物論芝瑞草一名菌蠢

紫脫 孫氏瑞應圖王者仁義行則生紫脫齊民要術

紫脫芝也

科名草 清異錄杜荀鶴舍前椿樹生芝草明年及第

以漆彩飾之安儿硯間號科名草

三秀 楚辭采三秀於山間王逸註三秀芝草也

希夷 續古今注靈芝一名壽潛一名希夷

石耳 本草石耳一名靈芝生天台四明宣州諸山石

崖上廬山亦多久食益色至老不改

瑤草 江淹詩瑤草正翕艷李善註瑤草玉芝也

菖蒲

堯薤 呂氏春秋菖蒲一名堯薤能烏髮又本草作堯

韭

昌歎 說文芾菖蒲也一名昌歎

昌羊 淮南子昌羊去蚤虱而來蛉窮註昌羊菖蒲也

又本草作昌陽

昌九 清異錄宜春太守虞杲郡齋植菖蒲五檻次子

夢髯翁自號昌九言願賜保養

綠劍真人 清異錄進士侯寧極號菖蒲為綠劍真人

事物異名錄

卷三十一

二

水劔草 本草綱目菖蒲一名水劔草

芭蕉

巴且 漢書相如傳楮柘巴且註巴且芭蕉也

天苴 甘蕉 本草綱目芭蕉蜀人謂天苴曹叔雅異

物志云芭蕉肉甜如蜜故名甘蕉

綠天 清異錄懷素居零陵菴種芭蕉數萬取葉代紙

號其所曰綠天菴曰種紙

扇子仙 清異錄廣王嘗與幸姬李蟾妃微行至蘇氏

園憇酌綠蕉林廣王命筆大書蕉葉曰扇子仙以下

鬼羅襪 睽車志庾道開謂蕉葉曰鬼羅襪

卷耳

苓耳 泉耳 胡泉 常泉 爵耳 爾雅卷耳苓耳

疏卷耳一名苓耳郭云泉耳也亦云胡泉江東呼為

常泉形如鼠耳叢生如盤陸璣疏云葉青白色似胡

葵生子如婦人耳瑠幽州人謂之爵耳是也

耳瑠草 蒼耳 荆楚歲時記卷耳一名耳瑠草亦曰

蒼耳

羊負來 博物志昔有人驅羊入蜀而胡泉子著於羊

毛之中得其種植之名為羊負來即今之泉耳也

猪耳 地葵 蔬 道人頭 進賢菜 喝起草 縑

絲草 野茄 常思菜 本草綱目菜耳一名猪耳一

名地葵一名蔬一名道人頭一名進賢菜一名喝起

草一名縑絲草一名野茄詩人思夫賦卷耳故名常思榮

芄蘭

蘿摩 苦丸 雀瓢 白環藤 通志芄蘭草一名蘿

摩一名苦丸幽州人謂之雀瓢東人曰白環藤

筐 本草綱目蘿摩一名筐其實名斫合子羊婆奶婆

婆針線包陳藏器曰斫合子一名雞腸一名薰桑

女蘿

松蘿 唐韻女蘿松蘿也按毛詩註爾雅皆謂女蘿即

兔絲陸佃言在木為女蘿在草為兔絲一物殊別今

列女蘿於此而兔絲別人藥部

宛童 老秃鶯 彙苑女蘿曰宛童又曰老秃鶯

藜藿

箭 王萼 王帚 落帚 爾雅箭王萼疏此即藜之

科大為樹可以作掃萼者一名箭一名王萼一名王

帚江東呼為落帚又落帚之子名地膚入藥

地葵 獨帚 涎衣草 白地草 鴨舌草 千心妓

女 本草綱目地膚一名地葵一名獨帚一名涎衣草

一名白地草一名鴨舌草一名千心妓女地葵因其

苗味似也鴨舌因其形似也妓女因其枝繁而頭多

也子落則莖可為帚故有帚名按此外尚有地麥益

明之名專以子言故入藥部又卷耳亦名地葵

鶴頂草 曲洧舊聞藜有紅心者俗呼為紅灰藿仙方
用之易名為鶴頂草

金鎖天時 留青日札灰藿一名金鎖天時其白青色
者名曰忌女莖

蘆荻

葦 葭 埤雅葦即今之蘆一名葭

假節侯 清異錄好事君子號蘆為蕭寒郡假節侯

紫葳 西京雜記葭蘆之未解葉者謂之紫葳

芳 說文芳蘆花也 以下蘆花

蓬蘽 唐本草蘆生下濕地莖葉似竹花若荻花名蓬

蘽

茨 亂 荏 蒹 補筆談詳諸家所釋葭蘆葦皆白蘆

也則茨亂荏白當是荻耳又埤雅荻一名蒹

雛 詩荏葦註初生為茨長大為亂成則名荏又名雛

烏蘆 補筆談詩釋文云亂江東呼為烏蘆今吳中烏

蘆草乃荻屬也

馬尾 詩疏荻揚州人謂之馬尾

秋雪 西溪梵隱志河水亦名渦水秋深荻花如雪故

名秋雪 荻花

茅

絲茅 黃菅 本草綱目白茅俗呼絲茅黃茅似菅古

名黃菅

蕨 爾雅蕨牡茅疏茅之不實者也一名蕨一名牡茅

郭云白茅屬

菁茅 瓊茅 本草綱目香茅一名菁茅一名瓊茅葉

有三脊

苞茅 靈茅 丹鉛錄左傳爾貢苞茅不入孟康曰靈

茅揚雄曰瓠茅三脊也

蓬

流草 博物志師曠曰歲欲流流草先生流草蓬也

青科 本草綱目蓬類不一有彫蓬即菰草也有黍蓬

即青科也

蒿

蔡 游胡 旁勃 陸璣草木疏蔡白蒿也一名游胡

北海人謂之旁勃

蒿 萃 本草綱目白蒿名蔡又名蒿有水陸二種爾

雅曰蔡幡蒿即今陸生艾蒿也曰蔡由胡即今水生

白蒿萑蒿也詩云呦呦鹿鳴食野之苹萃即陸生幡

蒿于以采蔡于沼于沚乃指水生白蒿而言

購 爾雅購蒿萑疏購一名蒿萑郭云萑蒿也生下田

蕭 荻 蕝 爾雅蕭荻疏荻一名蕭今人所謂荻蒿

者是也或云牛尾蒿似白蒿又李時珍謂蕭荻蕝皆

老蒿之名

牡蒿 馬新蒿 爾雅蔚牡蒿疏蔚即蒿之雄無子者

事物異名錄

卷三十一

木

故云牡蒿一名馬新蒿

馬先蒿 馬矢蒿 練石草 爛石草 虎麻 本草

綱目馬新蒿一名馬先蒿一名馬矢蒿一名練石草

一名爛石草一名虎麻蒿氣如馬矢馬先乃馬矢之

誤馬新又馬先之誤

黃花蒿 本草綱目黃花蒿一名臭蒿大明曰亦名草

蒿

莪蒿 蘿蒿 抱娘蒿 本草綱目蘿蒿一名莪蒿一

名蘿蒿一名抱娘蒿抱根叢生故曰抱娘

蒲 爾雅莞苻離註今西方人呼蒲為莞蒲江東謂

水之苻離

苔 附瓦松

綠蘚 圓蘚 綠錢 古今注苔或青或紫一名綠蘚

一名圓蘚一名綠錢

澤葵 重錢 宣蘚 妬草 述異記苔謂之澤葵又

名重錢亦呼為宣蘚南人呼為妬草

青膚 廣博物志青膚苔也

品藻 品落 南粵志苔名品藻一名品落以苔形如

品也

龍蟠衣 莊子得水土之際則為龍蟠之衣註青苔也

以下
水苔

魚衣 廣志魚衣水苔也

陟釐 石髮 石衣 水衣 水綿 本草綱目陟釐

水苔一名石髮一名石衣一名水衣有水汚無石亦

生者牽纏如綿俗名水綿又陟釐亦名側理側梨

龍鬚菜 食物本草龍鬚菜生東南海邊石上叢生無

枝葉一名石髮 以下海苔

金毛菜 清異錄石髮以新羅者為上彼國呼為金毛

菜

薩離 本草綱目海苔鹽與陟釐不同張勃吳錄云薩

離生海水中正青如亂髮乃海苔之類也

水仙髮 蛟客髯 梅聖俞詩繞繞水仙髮茸茸蛟客

髯按謂海苔也

石濡 烏韭 本草綱目苔類有五在石曰石濡亦曰

烏韭 以下石苔

石髮 石衣 石花 石馬驥 鬼麗 本草綱目烏

韭一名石髮一名石衣一名石花一名石馬驥一名

鬼麗石髮石衣與陟釐同名但水陸之性不同耳

石蕊 石芥 本草拾遺石蕊生石上如花蕊又曰石

濡山人名石芥

蒙頂茶 雲茶 本草綱目石蕊味如茶今人謂之蒙

頂茶春初取乾餽人謂之雲茶

地錢 綠衣元寶 綠拘兒 清異錄苔一名地錢一

名綠衣元寶王彥章葺園亭種花急欲苔蘚少助野意而經年不生顧弟子曰叵耐這綠拘兒以下地苔

地衣 仰天皮 掬天皮 本草綱目苔在地曰地衣 一名仰天皮 一名掬天皮

百蕊草 本草綱目百蕊草是瓦松生地下者 垣衣 垣羸 天韭 鼠韭 昔邪 本草綱目苔在

牆曰垣衣 一名垣羸 一名天韭 一名鼠韭 一名昔邪 以下

土馬驥 本草綱目掌禹錫曰垣衣生垣牆之側其生垣牆之上比垣衣更長者謂之土馬驥

屋遊 瓦衣 瓦蘚 博邪 本草綱目苔在瓦曰屋

遊 一名瓦衣 一名瓦蘚 一名博邪 以下瓦苔

蘭香 西陽雜俎博邪廣志謂之蘭香

昨葉何草 向天草 鐵腳婆羅門草 天王鐵塔草

本草綱目昨葉何草即瓦松 一名瓦花 一名向天草 赤者名鐵腳婆羅門草 天王鐵塔草 以下瓦松

一元木公 清異錄有門生離合瓦松為四字曰一元木公

莎

藹 爾雅藹侯莎其實媷疏藹即莎別名侯維也猶語辭也其實別名媷

夫須 爾雅臺夫須疏臺一名夫須莎草也可以為蓑

笠
地毛 廣雅地毛莎蔭也按蔭卽莎也莎根名香附子

詳見藥部

菜

王芻 鴟脚莎 爾雅菜王芻註菜蓐也今呼鴟脚莎

蓋草 黃草 蓐草 蓋草 菜蓐草 本草綱目蓋

草綠色可染黃故曰黃草說文云蓐草可以染黃漢

書晉灼註云蓋草似艾可染皆謂此草也爾雅菜王

芻孫炎註云卽菜蓐草也詩云菜竹猗猗是也

麻

泉 爾雅廣泉實疏泉麻也廣者卽麻子名也

苜 齊民要術勃麻花也麻有雌雄雄者名泉雌者名

苜

蕘 本草綱目苜一作蕘又作蕘種必連項故謂

之蕘今之白麻也

葛

締絡草 說文葛締絡草也

草中白眉 清異錄葛爲世用花入藥根參果蔬筋備

紉織土生而具三材亦草中之白眉

葇苳

天仙子 橫唐 行唐 本草綱目葇苳一名天仙子

一名橫唐一名行唐

酸漿草

寒漿 苦葳 醋漿 爾雅葳寒漿疏葳一名寒漿郭

云今酸漿草江東呼曰苦葳本草一名醋漿

苦耽 燈籠草 皮弁草 天泡草 王母珠 洛神

珠 本草綱目酸漿一名苦耽一名燈籠草一名皮弁

草一名天泡草一名王母珠一名洛神珠苦葳苦耽

以苗之味名也燈籠皮弁以角之形名也王母洛神

以子之形名也又龍葵一名老鴉酸漿草故亦有天

泡草之名

蟠蜞青 茹草編酸漿草節蟠蜞青

紅姑娘 羣芳譜酸漿草一名苦耽即今所稱紅姑娘

也

敗醬草 苦蕪 茹草編敗醬草一名苦蕪正字通即

酸漿之小者

鹿腸 鹿首 正字通鹿腸鹿首敗醬草別名

龍鬚草

龍芻 龍珠 懸莞 龍修 草續斷 縉雲草 王

母簪 方賓 本草綱目石龍芻一名龍珠一名懸莞

一名龍修一名草續斷一名縉雲草一名王母簪一

名方賓韓保昇曰所在有之俗名龍鬚草

水草

萍 藻 爾雅萍萍註水中浮萍江東謂之藻按萍有

事物異名錄

卷二十一

七

三種大者名蘋中者名荇葉皆相似而圓其小者即水上浮萍也 以下萍

水簾 水華 水蘚 吳氏本草水萍一名水簾一名

水華一名水蘚又瀑布亦名水簾

鴨茵 雲林異景志太原尹樊千里載數車浮萍入池

為鴨作茵褥

茱菜 本草拾遺蘋葉圓濶寸許葉下有一點如水沫

一名茱菜 以下蘋

四葉菜 田字草 破銅錢 本草綱目蘋本作蘋其

草四葉相合中折十字故俗呼為四葉菜田字草破

銅錢皆象形也

水田翁 本草綱目田字草有陸生者多在稻田沮洳之處謂之水田翁所謂青蘋此也

接余 梵葵 鳧葵 埤雅荇一名接余或謂之梵葵

又曰鳧葵又蓴亦名鳧葵 以下荇

水鏡草 庚辛玉冊鳧葵即水鏡草

荇絲菜 蘼 屏風 靨子菜 金蓮菜 羣芳譜荇

菜一名荇絲菜一名蘼一名屏風一名靨子菜一名

金蓮菜

荇公鬚 留青日札池州人呼荇為荇公鬚言其亂生

如鬚也

猪蓴 顏氏家訓荇菜似蓴江南俗亦呼為猪蓴按本

草綱目馬志曰春夏細長肥滑者為絲蓴至冬粗短者為猪蓴亦呼為龜蓴與鳧葵殊不相似

網蕤 庶物異名疏武夷君傳網蕤紫苻也

馬藻 埤雅藻水草之有文者俗謂之馬藻亦謂之紫藻以下藻

惡草 博物志師曠曰歲欲惡惡草先生惡草水藻也

水蘊 鰓草 牛尾蘊 荇 本草綱目藻有二種水

藻兩兩對生即馬藻也聚藻節節連生即水蘊也俗名鰓草又名牛尾蘊爾雅云荇牛藻即蘊也

香草

土鹵 杜蘅 爾雅杜土鹵疏香草也一名杜一名土

鹵郭云杜蘅也似葵而香 以下杜若

杜葵 馬蹄香 土細辛 本草綱目杜蘅一名杜葵一名馬蹄香一名土細辛

杜蓮 若芝 楚蘅 獾子薑 山薑 白蓮 白岑

本草綱目杜若一名杜蘅一名杜蓮一名若芝一名楚蘅一名獾子薑一名山薑別錄曰一名白蓮一名

白岑按杜若亦名杜蘅而本草綱目別有杜蘅一條其類似異古人註離騷皆不分別但曰香草故二名

相混耳

土杏 博物志杜蘅一名土杏

蘅薇香 香譜蘅香即杜蘅也又本草蘅香即茴香一

莨 博雅莨鈎吻也 以下鈎吻

太陰草 續博物志太陰之草名鈎吻食之立死

毒根 野葛 冶葛 胡蔓草 斷腸草 爛腸草

火把花 黃藤 本草綱目鈎吻一名毒根或名野葛

或名冶葛廣人謂之胡蔓草亦曰斷腸草又曰爛腸

草滇人謂之火把花岳州謂之黃藤

黃躑躅 黃杜鵑 羊不食草 鬧羊花 驚羊花

老虎花 玉枝 本草綱目羊躑躅一名黃躑躅一名

黃杜鵑一名羊不食草一名鬧羊花一名驚羊花一

名老虎花一名玉枝 羊躑躅

斷腸草 愁婦草 寡婦莎 述異記秦趙間有相思

草狀如石竹而節節相續一名斷腸草一名愁婦草

亦名孀草人呼為寡婦莎又鈎吻亦名斷腸草 相思草

茵草 芒草 鼠毒 本草綱目莽草一名茵草一名

芒草一名鼠毒此物有毒別錄曰一名蒨一名春草

蒨白薇也別錄白薇下云一名春草而此又以為蒨

草蓋因孫炎註爾雅之誤也 莽草

藁荷

嘉草 搜神記藁荷或謂之嘉草

覆苴 菑苴 傳苴 本草綱目藁荷一名覆苴一名

藁草覆苴許氏說文作菑苴司馬相如上林賦作傳

苴

萇楚

銚芑 羊桃 鬼桃 爾雅萇楚銚芑註今羊桃也或

曰鬼桃

羊腸 細子 本草綱目羊桃一名羊腸一名細子

龍葵

苦葵 苦菜 天茄子 水茄 天泡草 老鴉酸漿

草 老鴉眼睛草 本草綱目龍葵一名苦葵一名苦

菜一名天茄子一名水茄一名天泡草一名老鴉酸

漿草一名老鴉眼睛草苦以菜味名茄以葉形名天

泡老鴉皆以子形名也

藟蒴

莢光 莢明 爾雅藟蒴莢光疏莢明一名莢光形似

馬蹄廣雅謂之羊躑躅按此與惡草之羊躑躅有別

羊角 博雅莢明羊角也

鬼臼

茵芝 本草經鬼臼隨日出沒一莖為一白主治辟瘟

疫一名茵芝

九日 天白 鬼藥 木律草 馬目 毒公 解毒

爵犀 害母草 璫田草 羞天花 唐婆鏡 八

角盤 獨腳蓮 山荷葉 獨荷草 旱荷葉 本草

綱目鬼臼一名九日一名天白一名鬼藥一名木律

草有毒而白如馬目故名馬目毒公殺毒解毒故有

毒公

毒公 解毒

爵犀 害母草 璫田草 羞天花 唐婆鏡 八

角盤 獨腳蓮 山荷葉 獨荷草 旱荷葉 本草

綱目鬼臼一名九日一名天白一名鬼藥一名木律

草有毒而白如馬目故名馬目毒公殺毒解毒故有

解毒爵屏之稱新苗生則舊苗死故有害母草之稱
蘇東坡詩集瑞田草宋祁南方物贊云蓋天花黃山
谷詩集云唐婆鏡鄭樵通志云八角盤卽鬼臼今人
所謂獨腳蓮是也又名山荷葉獨荷草旱荷葉

竊衣一鬼麥爾雅蒯葦竊衣疏蒯葦一名竊衣郭云
似芹可食子大如麥兩兩相合有毛著人衣俗名鬼
麥者也

謝婆菜本草經水苦蕒一名謝婆菜
苦蕒爾雅蒯葦竊衣疏蒯葦一名竊衣郭云
似芹可食子大如麥兩兩相合有毛著人衣俗名鬼
麥者也

蕎 虞蓼爾雅蕎虞蓼疏蕎一名虞蓼卽蓼之生水
澤者也按急就篇註云葉圓而厚生於澤中者曰澤
蓼葉長銳而薄生於水中者曰水蓼本草綱目云水
蓼卽名虞蓼澤蓼觀爾雅疏總云生於水澤則本草
綱目之說爲是 水蓼

墨記草 本草綱目馬蓼俗呼大蓼葉間有黑蹟如墨
點記故方士呼爲墨記草 馬蓼
天薺 說文龍天薺也陸璣草木疏龍一名馬蓼卽今
之水紅草 以下紅蓼

鴻藹 龍古 遊龍 石龍 天蓼 本草綱目紅草
一名鴻藹一名龍古一名遊龍一名石龍一名天蓼

一名大蓼按詩疏遊龍一名馬蓼馬蓼俗呼大蓼此
葭草既有大蓼之稱亦似可名馬蓼然馬蓼自是一
種也又龍古或作龍鼓

水紅 火蓼 曲洧舊聞紅蓼即詩所謂游龍也俗呼
水紅江東人別澤蓼呼之為火蓼

虎杖

爾雅滌虎杖疏滌一名虎杖郭云似紅草而粗
大有細刺可以染赤

苦杖 大蟲杖 斑杖 水酸杖 日本草綱目虎杖一名

苦杖一名大蟲杖一名斑杖一名酸杖

箬草

英葯 博雅英葯弱也按弱與箬同

斑杖 古今注揚州人謂弱為斑杖又本草綱目虎杖
一名斑杖

遼葉 本草綱目箬草一名遼葉似竹而弱故名箬其
生疎遼故又謂之遼

蕒草

蔓子 軒子 韻府羣玉蕒名蔓子又名軒子蔓生水
上隨水高下

馬饅 馬飯 羊麻 羊粟 本草綱目蕒草馬食之

如饅如飯故名馬饅馬飯羊亦食之故名羊麻羊粟
蕒草

籠草 詩疏葢草蜀本註云或生人家籬墻間俗呼為籠草

滋草

繁縷 鶯腸草 食物本草繁縷一名鶯腸草一名滋

草蔓生甚繁中有一縷故名

金燈草

九形 酉陽雜俎金燈一名九形花葉不相見俗惡人

家種之

無義草 獨搖 離母 留青日札金燈一名無義草

蓋花葉不相見也一名獨搖一名離母

忽地笑 太倉志金燈俗呼忽地笑穿山甚廣重九登

高燦若丹霞亦奇草也

燈心草

虎鬚草 碧玉草 本草綱目燈心草一名虎鬚草一

名碧玉草

懸腸草

思子蔓 離別草 述異記懸腸草一名思子蔓南中

呼為離別草

鼓箏草

橫目 結縷 爾雅傅橫目註一名結縷俗謂之鼓箏

草

魚鱉草

蕺菜 食物本草蕺菜名魚腥草

翻白草

湖雞腿 天藕 本草經翻白草楚人謂之湖雞腿淮

人謂之天藕註雞腿以根之味名

南燭草

天竹 通雅南燭草即南天燭俗所謂天竹是也

猴藥 男續 後卓 惟那木 雲笈七籤南燭草一

名猴藥一名男續一名後卓一名惟那木

青精 墨飯草 詞林海錯青精一名南天燭又曰墨

飯草以其可染黑飯也故黑飯亦名青精

文燭 烏飯草 正字通南天燭赤者名文燭即今烏

飯草道家謂之青精飯木而似草故又名南燭草

染菽 猴菽 牛筋 楊桐 本草綱目南燭一名染

菽一名猴菽一名牛筋一名楊桐

雞腸草 雞腸草

蕪縷 繁縷 爾雅蕪縷蕪縷疏菘一名蕪縷一名繁縷

一名雞腸草又滋草亦名繁縷

勤 烏草 水青 陵翹 本草綱目勤鼠耳也可以

染皂故名烏草又曰水青蘇頌圖經謂鼠耳一名陵

時乃陵翹之誤也又鼠麴草亦名鼠耳

鼠麴草

米麩 杳毛 黃蒿 茸母 佛耳 毛耳朶 本草
綱目鼠麩草一名米麩一名香茅一名黃蒿即鼠耳
也北人呼為茸母佛耳今淮人呼為毛耳朶香茅之
茅當作毛

蚍蜉酒草 無心草 酉陽雜俎蚍蜉酒草鼠耳也一
名無心草按此鼠耳是鼠麩草

雞舌草 鴨跖草

碧竹子 竹雞草 竹葉菜 耳環草 碧

蟬花 藍姑草 一本草綱目鴨跖草一名雞舌草一名

碧竹子一名竹雞草一名竹葉菜一名耳環草一名

碧蟬花一名藍姑草

鹿銜草

吳風草 唐本草吳風草一名鹿銜草鹿有疾銜此草

即瘥

薇銜 麋銜 無心 無顛 承膏 承膾 本草綱

目薇銜一名麋銜一名鹿銜一名無心一名無顛一

名承膏一名承膾麋銜當作麋銜蓋麋與鹿本一類

也 鹿蹄草 本草綱目羊蹄一名當一各赤菜一各類

小秦王草 秦王試劍草 本草綱目鹿蹄草一名小

秦王草一名秦王試劍草

羊蹄草 附山羊蹄

蓬 牛頰 菑 詩言采其蓬鄭箋云蓬牛頰也陸機註云蓬即菑字今之羊蹄也

秃菜 敗毒菜 牛舌菜 鬼目 東方宿 水黃芹

連蟲陸 本草綱目羊蹄一名菑一名秃菜一名敗

毒菜一名牛舌菜一名羊蹄大黃一名鬼目一名東

方宿一名水黃芹一名連蟲陸子名金蕎麥按爾雅

菑當疏云幽州人謂之燕當又菑蔓茅疏云華白者

名菑華赤者名蔓茅此二物似別種

酸模 山大黃 殭蕪 酸母 蔘 當藥 本草綱

目酸模一名山羊蹄一名山大黃一名殭蕪一名酸

母一名蔘一名當藥按爾雅疏以殭蕪為封封即蔓

菁也李時珍謂殭蕪即山羊蹄而以指為蔓菁者為誤今兩存之 山羊蹄

虎耳草

金絲荷葉 石荷葉 農圃六書虎耳草一名金絲荷

葉羣芳譜又名石荷葉

萬年青

千年藍 農圃六書萬年青一名千年藍

老少年

雁來紅 錦西風 十樣錦 錦布衲 羣芳譜老少

年一名雁來紅紅紫黃綠相兼者名錦西風又名十

樣錦又名錦布衲

薛荔 附絡石

木蓮 木饅頭 鬼饅頭 本草綱目木蓮一名薛荔

一名木饅頭一名鬼饅頭又木蘭芙蓉皆名木蓮

巴山虎 丹鉛錄薛荔今京師人家假山上種巴山虎

是也

石鯪 石龍藤 懸石 耐冬 雲花 雲英 雲丹

石血 雲珠 地錦 本草綱目絡石一名石鯪一

名石龍藤一名懸石一名耐冬一名雲花一名雲英

一名雲丹一名石血一名雲珠陳藏器曰在石者良

在木者隨木性有功與薛荔相似更有地錦等並是

其類地錦一名地縻按別有地錦草亦各地縻地縻

者與此不同又雲母亦名雲英雲珠 絡石

藤 萬壽藤先生茶 原輯

梟 爾雅諸慮山梟註江東呼梟為藤

藟 廣雅藟藤也

巨苾 陸璣詩疏藟一名巨苾

天紈縑 普賢袈裟 事物紺珠天紈縑在樹上絲絡

峩眉山名為普賢袈裟按即藤也

地珊瑚 本草藤一名地珊瑚

簡子 蕭子雲賦簡子秋紅註簡子藤名

扶留 左思吳都賦東風扶留註扶留藤也

共留 空思吳階頰東風共留共留

蘭干 蘭干雲頰蘭干

此無歸 本草蘭干

吳冒山 各為普寶

天嶽嶽 普寶

日芒 聖幾

嶽 爾無嶽嶽山嶽

在嶽 嶽嶽嶽嶽

皆與此不同又雲母亦各雲英雲



事物異名錄卷三十一

慈谿 厲靜菴先生荃 原輯

仁和 關晉軒先生槐 增纂

樹木部

總名

午日仙人 抱朴子山中午日稱仙人者老樹也

檠株駒 列子吾處也若檠株駒註李熙曰檠豎也株

神叢 戰國策應侯謂秦昭王曰亦聞恒思有神叢與

註神叢社樹也

姑繇 穆天子傳天子釣于河以觀姑繇之木註姑繇

事物異名錄 卷三十一
大木也 以下大木

摸枋 表異錄摸枋大木也出齊東野語

季材 周禮山虞凡服耜斬季材註季猶穉也 榘木

林衣 宋之問詩林衣掃地輕按謂樹葉也 樹葉

松

五大夫 漢官儀秦始皇上泰山風雨暴至休於松下
因封其樹為五大夫

十八公 吳錄丁固夢松生腹上謂人曰松字十八公
也後十八年吾其為公乎後果與夢符

偃蓋山 金陵記有一使者牽一白犬問居何地曰居
偃蓋山至古松下而沒松形如蓋使者松精犬乃狹

苓耳又白犬雲仙雜記作白羊

木長官 杭州志於潛嶺上有古松一本盤錯奇怪嘗

有兄弟訟於有司夜行憇其下遲明辨色乃伯仲也
遂各悔咎息訟而還因名松為木長官

支離叟 研北雜志鮮于伯機得怪松一株置齋前呼
為支離叟朝夕撫玩之又栢亦名支離叟詳見後竹

蒼髯叟 山堂肆考晉僧法潛隱剡山或問勝友為誰
乃指松曰此蒼髯叟也

木中仙 清異錄張薦明隱樂山林有古松十餘株謂
人曰此木中之仙也

涼繖樹 楊誠齋詩註筠州人號夾道松為涼繖樹

宗老 林泉高致林石先理會一大松名爲宗老
壽鬣 清異錄壽鬣是松

鮓子南 雞林類事高麗方言松曰鮓子南

枯龍 元稹詩枯龍憂寒月按謂松也

不臣木 孟郊詩松乃不臣木青青獨何爲

千歲材 蘇軾詩養此千歲材按謂松也

歲寒枝 元好問詩澗底孤松二千尺殷勤留看歲寒

枝

松釵 癸辛雜識凡松葉皆雙股故世以爲松釵 松葉

赤龍皮 羣芳譜松樹老皮名赤龍皮 松皮

艾納 廣志松樹皮上緣衣名艾納 松苔

松黃 本草綱目松花別名松黃 松花

松膏 松肪 松膠 松香 本草綱目松脂別名松

膏松肪松膠松香 以下松脂

瀝青 羣芳譜松香一名瀝青

飛節枝 抱朴子松樹皮中有聚脂狀如龍形名飛節

枝

琥珀孫 清異錄侯寧極藥譜琥珀孫松脂也

栢

栢 爾雅栢栢疏栢一名栢

鬼廷 漢書東方朔傳栢者鬼廷也師古註鬼神尙幽

故以松栢之樹爲廷府

五品大夫 河南志天封觀古栢唐武后封五品大夫
俗云大小將軍

蒼官 經外雜抄樊宗師絳守園亭記后山栢詩皆以
栢為蒼官又表異錄以松為蒼官

仙藥 續博物志栢是仙藥

槐

榲 本草綱目槐一名榲周禮外朝之法面三槐三公
位焉吳澄註云槐之言懷也懷來人於此也

音聲樹 南部新書都堂南門東道有古槐垂陰至廣
或夜聞絲竹之聲則省中有入相者俗謂音聲樹

玉樹 三輔黃圖甘泉谷北岸有槐樹今謂玉樹即揚

雄所謂玉樹青葱也

不平生 清異錄崔鳳矢志常陪友生夏月招涼于古

槐下戲曰予不登九品此槐不得為手板想亦助不
平也是後朋從呼槐為不平生

錦心氏 繡腹郎 清異錄懿宗時求老槐於李殊莊
腰刻小字曰錦心氏繡腹郎云殊之祖愛甚故刻記

之

栢 附石楠

交讓樹 詩疏廣義栢木東邊榮西邊枯張華云交讓
樹即栢也一作交讓木

端正樹 太真外傳上發馬嵬行至扶風道旁見石楠

事物異名錄

卷三十一

四

樹愛玩之因目為端正樹 石楠

桃

仙木 說文仙木桃也

五木精 典術桃者五木之精能厭伏邪氣

五行精 荆楚歲時記桃者五行之精厭伏邪氣制百

鬼

桑

著作林 東都事畧范純仁知襄城縣有惠愛課民種

桑民號其桑為著作林

子明 異苑老桑木字曰子明

臨安青 陸游詩手種臨安青註桑名

桑蘚 桑錢 本草綱目桑花一名桑蘚一名桑錢大

明日生桑樹上白蘚如地錢花不是桑榘花也 桑花

柘

文章樹 清異錄張曲江第有古柘因風發其一根解

為器具花紋甚奇人以公之手筆冠世目之曰文章

樹

梧桐

榮 爾雅榮桐木榲即梧桐

櫬 卑雅梧一名櫬即梧桐也

柔木 卑雅桐柔木也

白鐵樹 顏氏家訓有諱銅者呼銅為鐵乃謂梧桐為

白鐵樹

小義 清異錄劉靖家兄弟不異居西廊梧桐生穀枝

鄉人號桐為小義

鳳條 酉陽雜俎歷城房家園齊博陵君豹之山池其

中雜樹森竦有人折其桐枝者君曰何為傷吾鳳條

青玉 白居易詩一枝青玉立按謂桐也

楊柳 附松楊裡柳柳柳

鞞鞞 詞林海錯陸龜蒙詩手攜鞞鞞佞若在中印國

鞞鞞唐言楊柳也

女兒腰 杜甫詩隔溪楊柳弱嫋嫋恰似十五女兒腰

蒲柳 藿苻 本草綱目楊枝硬而揚起故謂之楊多

宜水洙蒲藿之地故有水楊蒲柳藿苻之名

扶移 蒲移 補筆談扶移即白楊也亦謂之蒲移詩

疏曰白楊蒲移是也按扶移或作夫移為唐棣名

義孫 清異錄劉靖家兄弟不異居墳中白楊生檜鄉

人號白楊為義孫

天棘 通志柳曰天棘王元之詩天棘舞金絲

漏春和尚 清異錄新栽柳樹必用泥封其顛頗類比

邱頂元伯玉宅前插柳初春吐芽伯玉曰且得漏春

和尚一一無恙蓋取杜子美詩有漏洩春光有柳條

之句

尼俱律陀木 本草綱目寇宗奭曰釋家謂柳為尼俱

律陀木

涼木 本草綱目松楊其材如松其身如楊故曰松楊
爾雅云涼即來也其陰可蔭涼故曰涼木江西人呼
為涼木 松楊

河柳 三眠柳 觀音柳 長壽仙人柳 三春柳

羣芳譜檉柳一名河柳一名三眠柳一名觀音柳一
名長壽仙人柳即今俗呼謂三春柳也 以下檉柳

赤楊 兩師 垂絲柳 人柳 本草綱目檉柳一名

赤楊一名兩師一名垂絲柳一名人柳羅願爾雅翼
云天將雨檉先知之起氣以應又負霜雪不凋乃木
之聖者也故字從聖又名兩師或曰得雨則垂垂如

絲當作兩絲又三輔故事云漢武帝苑中有柳狀如
人號為人柳一日三起三眠則檉柳之聖又不獨知
雨負雪而已

鬼柳 柎柳 本草綱目檉柳一名鬼柳郭璞註爾雅

作柎柳 檉柳

梓

木王 埤雅梓為木王蓋木莫良於梓故書以梓材名
篇禮以梓人名匠也

相思樹 九域志韓憑自殺妻投臺而死有梓木生於

二冢根交于下人號曰相思樹又韓憑搜神記作韓
朋

楸

榎 椅 爾雅槐小葉曰榎註槐當為楸楸細葉者為榎又椅梓即楸也按桐亦名椅與此不同

楸

鼠梓 虎梓 爾雅楸鼠梓疏鼠梓一名楸郭云楸屬也今江東有虎梓其樹葉木理如楸今人謂之苦楸是也說文椅梓楸楸一物四名

榆

粉 爾雅榆白粉疏榆之皮色白名粉

零 羣芳譜榆一名零又本草綱目名零榆

義祖 清異錄劉靖家兄弟不異居宅旁榆樹生桑那

人號榆為義祖

鞞鞞樹 清異錄金谿路上一老榆往來者就樹下易

草屨例以其舊懸而去行人指為鞞鞞樹

牡樺 庶物異名疏周禮壺涿氏云以牡樺午貫象齒

而沈之牡樺榆木也

無姑 爾雅無姑其實夷註無姑姑榆也按廣志榆有

無姑榆有郎榆

蕪黃 蕪莖 說文榆有刺莢曰蕪黃曰蕪莖

白椴

白椴 白椴 白椴 爾雅白椴南詩疏椴即柞也其材理全白無赤心者為白椴今人謂之白椴或曰白柞

樸

駁馬 補筆談梓榆南人謂之樸齊魯間人謂之駁馬
樸亦言駁聲之訛耳詩隰有六駁是也

椿

樛 椿 檜 羣芳譜椿一作樛一作純一作檜今俗

名香椿

樗

臭椿 虎目樹 大眼桐 羣芳譜樗亦椿類氣臭俗

名臭椿一名虎目樹一名大眼桐

山椿 本草拾遺北人呼樗為山椿

娑娑羅樹 河洛記洛陽北嶺上有古樗娑娑在伊闕

正南相當越公等建都之日據此樹以定南北嫌樗
木名惡號曰娑娑羅樹

栲 本草綱目山樗名栲 山樗

櫟

木蓼 柞 栩 杼 陸璣詩疏秦人謂柞為櫟河南
人謂木蓼為櫟又栩今櫟也徐州謂櫟為杼

楓

楬 說文楓木善搖一名楬楬蓋楓楬天風則鳴故

云

桂

榎木 格物叢話桂榎木也

圭木 清異錄韓恭叟離合巖桂二字為巖山圭木圭木謂桂也

幽隱樹 唐于武陵山中桂詩忽逢幽隱樹

洗枝 蟾枝 羅隱詩官署洗枝老林寬詩蟾枝交影侵蘭署按洗枝蟾枝皆謂桂也

榭

樸楸 大葉櫟 本草綱目榭名樸楸俗名大葉櫟

金雞樹 唐書登封壇南有榭樹大赦日於其杪置金

雞改名金雞樹

杉

枝粘 南方草木狀杉一名枝粘

沙木 倭木 本草綱目杉一名沙木出倭國者謂之

倭木

叁木 檄木 格古要論杉木俗呼曰叁木又曰檄木

赤水樹 事物紺珠赤油杉色赤而堅有油又名赤水

樹

野雞斑 本草綱目杉有赤白二種赤杉實而多油白

杉虛而乾燥有斑文如雉者謂之野雞斑

檀

攬檀 漢書註攬檀檀別名又攬檀蘇之類謂之半攬

榭

榭 土榭 爾雅榭榭疏榭一名榭郭云關西呼榭子

一名土樞

萬歲 牛筋 詩疏柎櫨也此樹今宮園種之正名曰

萬歲既取名於億萬其葉又好故種之或謂之牛筋

或謂之櫨材可為弓弩幹也又南燭草亦名牛筋

櫨即靈壽也

橫 靈壽 本草綱目陸氏詩疏云櫨即橫也節中腫

似扶老即今靈壽也人以作杖

木柎 柎即櫨也

柎骨 木蜜 陸璣詩疏柎樹一名柎骨子大如指噉

之甘美如飴今官園種之謂之木蜜

猫兒刺 羣芳譜柎骨即俗呼猫兒刺者

白石樹 物類相感志柎樹江南謂之白石樹
千歲 廣志木蜜樹號千歲

榘

赤蘿 山梨 鹿梨 鼠梨 詩隰有樹榘陸璣疏榘

一名赤蘿一名山梨一名鹿梨一名鼠梨

羅錦 卑雅榘一名羅亦有花者俗謂之羅錦猶言杉

錦棟綾也

柏

鷓柏 羣芳譜烏柏一名鷓柏或作鷓舅

楮

穀桑 楮桑 詩疏穀幽州人謂之穀桑或曰楮桑荆

揚交廣謂之穀中州人謂之楮

棉

瓊枝 梧潯雜佩木棉一名瓊枝

吉貝 睽婆 正字通通雅曰吉貝即劫貝木棉樹也

南史古貝即吉貝吉譌作古又佛書謂之睽婆又曰

迦婆羅劫貝也即木棉樹孟康言閩中呼棉花為吉

貝又棉布亦名吉貝

古終 本草綱目木棉有二種似木者名古貝似草者

名古終

攀桂花 班枝花 攀枝花 閩部疏木棉花惠安志

名為攀桂花楊用修乃曰班枝花與吳中所稱攀枝

蓋三名實一物也 棉花

皂角

烏犀 懸刀 羣芳譜皂角一名皂莢一名烏犀一名

懸刀

雞栖 急就篇註皂角樹一名雞栖

忽野簷默 阿梨去伐 西陽雜俎皂莢波斯國呼為

忽野簷默拂林國呼為阿梨去伐

元房仲長統 清異錄侯寧極藥譜元房仲長統皂莢

也

檉欄 檉欄 檉欄 檉欄 檉欄 檉欄 檉欄 檉欄 檉欄 檉欄

檉欄 格物總論檉欄一名檉欄又檉欄或作并闕

鬣葵 蒲葵 丹鉛總錄櫻欄一名鬣葵一名蒲葵
棕釐 羣芳譜櫻欄俗作棕釐皮中毛縷如馬之駿釐
故云

櫻魚 櫻筍 本草綱目棕欄木三月於木端莖中出
數黃苞苞中有細子成列狀如魚腹孕子謂之櫻魚
亦曰櫻筍

銀杏樹 公孫樹 彙苑銀杏樹名公孫樹言其實久而後生公
孫種而孫方食也

荔枝樹 將軍樹 蘇東坡詩序陳文惠公祠下有手植荔枝郡

人謂之將軍樹

桃榔

姑榔 麵木 董櫻 鐵木 本草綱目桃榔一名姑

榔一名麵木一名董櫻一名鐵木

荆樹

楚 本草綱目荆生成叢而疎爽故謂之楚濟楚之義

椰樹

酒樹 類書酒樹椰也

唐棣

夫棣 爾雅唐棣棣疏唐棣一名棣郭云似白楊江東
呼夫棣按唐棣與棠棣異棠棣郁李也入藥部

移楊 高飛 獨搖 古今注移楊江東呼為夫移微風則大搖故名高飛又曰獨搖又金燈草亦名獨搖菩提樹

貝多 思惟樹 畢鉢羅 嵩山記嵩高寺中有思惟樹即貝多也如來坐貝多下思惟因以為名按酉陽雜俎菩提樹亦名思惟樹西域志謂之畢鉢羅然則貝多菩提特一樹耳

娑羅樹 七葉樹 菴羅樹 波羅樹 成道樹 華夷花木攷娑羅樹出西番海中潯州官園一株甚巨每枝生葉七片所謂七葉樹也其樹詳於佛書維摩詰經有菴羅樹唐會要云菩提樹一名波羅樹即思

惟樹一名成道樹又名波娑羅樹蓋娑婆沙音同故互言之耳今月中樹影皆曰閻浮山娑婆樹影即此

無患子 本草綱目菩提子一名無患子 菩提子

竹 籟 爾雅籟竹疏籟則竹之別名

此君 晉史王徽之嘗借居空宅中便令栽竹曰何可一日無此君耶

滔浴 郡國志儋州滔浴井與淪水通有人以竹置井口淪水得之人呼竹為滔浴因以為名

天帝 荊州記天門山角上特生一竹倒垂拂拭謂之天帝又風亦名天帝

掃雲帚 竹譜廬山出竹莖大如指竹杪細葉密翠如帚人謂之掃雲帚

虛中子 清異錄三堂人家石柱礎有文曰虛中子生

成記云虛中子姓節氏化龍之後也與笙簫令壽鬣

支離叟堅文同志莫逆生子苗封甘銳侯疑是昔人

種竹記鬣是松支是栢苗是筍

圓通居士 清異錄比邱海光夢一人自稱圓通居士

按謂竹也詳見前杖

碧虛郎 凌雲處士 卓立卿 銀綠大夫 清異錄

夏清侯傳云曾大父碧虛郎大父凌雲處士父以卓

立卿自名就拜銀綠大夫按謂竹也

管若虛 洪璣有管若虛傳按謂竹也

妬母草 山堂肆考俗呼竹名妬母草言筍生旬有六

日而齊母也

獨筍 清異錄李栖筠家號竹為獨筍

貞幹臣 沈約修竹彈芭蕉文云淇園長貞幹臣修竹

稽首言

綠卿 清異錄王彪臨池賦云綠卿高拂宿烟霧以參

差綠卿謂竹也

明玕 竹坡詩話淵明讀山海經云亭亭明玕照明玕

謂竹也

寒玉 正字通寒玉竹別名

事物異名錄

卷三十一

七五

瀟碧 孟郊韓愈城南聯句瀟碧遠輸委按謂竹也
青帝仗 皮日休詠竹詩儼若青帝仗蠹似紫姑屏
綠玉君 韓渥竹詩不厭東溪綠玉君天壇雙鳳有時

聞

青嵐帚 陳陶詠竹詩青嵐帚亞思君祖綠潤偏多憶

蔡邕

蛇祖 梅堯臣詩蛇祖龍孫生屋後按謂竹也

碧玉椽 蘇軾詩曾慈寺後千竿竹醉後曾看碧玉椽

抱節君 蘇軾詩寄語菴前抱節君按謂竹也

青士 楊萬里詩青士何年下大荒按青士謂竹也

不秋草 馬天來詠竹詩人天解種不秋草

林筴 防露 詞林海錯竹一名林筴即袁公與越女

試劔竹也曰防露蜀竹也曰金猫其節有金色 越竹 蜀竹

澀勒 表異錄嶺南竹曰澀勒蘇軾詩澀勒陪蠻村 嶺南竹

竹

聆風 韋莊禹貢註籥竹一名聆風 籥竹

赤玉脂 海錄碎事赤玉脂桃竹也 桃竹

青蛇枝 海錄碎事青蛇枝苦竹也 苦竹

紅鵲尾 海錄碎事紅鵲尾青竹也 青竹

紫雲蓋 海錄碎事紫雲蓋慈竹也 以下慈竹

子母竹 孝竹 述異記詩義南中生子母竹今慈竹

是也漢章帝三年子母竹筍生白虎殿前時謂之孝

竹

釣絲竹 花木考慈竹秋筍高數丈尾甚柔細如釣絲
又名釣絲竹又類書釣絲竹山海經所謂暵水之北
多釣端竹也疑卽此是

貓頭竹 潭竹 事物紺珠貓竹一名貓頭竹其根類

貓頭又名潭竹羣芳譜貓竹一作茅竹又作毛竹

陶枝 物類相感志櫻竹亦名陶枝 以下櫻竹

實竹 正字通櫻竹一名實竹

淚竹 湘妃竹 事物紺珠斑竹有點暈又名淚竹又

名湘妃竹 斑竹

箬 籜 說文楚謂竹皮曰箬又字書籜竹皮也 竹皮

升斤 草華 本草竹葉名升斤竹花名草華 竹葉

練實 莊子鵷雛非練實不食註練實竹實也又名竹

米 竹米

金姑聲 海錄或問鬼所惡答曰最惡金姑聲閩人謂

破竹聲爲金姑聲 破竹聲

事物異名錄卷三十三

慈谿 厲靜菴先生荃 原輯

仁和 關晉軒先生槐 增纂

花卉部

總名

芩 爾雅華芩也木謂之華草謂之榮註今俗呼

草木華初生者為芩

葩 廣雅葩葩菁蕊花華也

花足 丹鉛續錄或問花蒂何以曰跗曰蒂者花足也

故字從足束暫補亡詩白華素足亦指花蒂為足也

花蒂

事物異名錄

卷三十三

阜陽田山園藏

花當 庶物異名疏花當花根也杜詩危沙折花當根

梅

清友 山堂肆考曾端伯以梅為清友又茶亦名清友

清客 王氏彙苑張景脩號梅花曰清客

天下尤物 梅譜梅天下尤物

世外佳人 桂林記袁豐居宅後有梅六株嘗曰冰姿

玉骨世外佳人但恨無傾城之笑耳

君子香 清異錄吳門于永錫專好梅花吟十二香詩

一名君子香

狀元花 咸淳臨安志徐清叟淨明院和御製詩衝凍

細尋梅信息枝頭喜見狀元花

驛使 老學菴筆記國初尚文選故梅必稱驛使

香雪 湖塘雜記湖墅有三勝地西溪之梅名曰香雪

玉奴 蘇軾詩月地雪階漫一尊玉奴終不負東昏按

玉奴謂梅也

癯仙 陸游詩凌厲冰霜節愈堅人間那有此癯仙按

癯仙亦謂梅也

瓊兒 元日能咏梅詩天上瓊兒白玉肌

白玉條 張謂詩一樹寒梅白玉條

玉霄神 釋明本梅花詩朶中飛下玉霄神

九疑仙人 梅譜綠萼梅比之九疑仙人

玉瓏鬢 風月堂雜識玉瓏鬢浙中謂之睡梅

桃

銷恨花 助嬌花 開元遺事明皇時禁苑中有千葉

桃盛開帝曰不特萱草忘憂此花亦能銷恨嘗親折

一枝插妃子寶冠上曰此箇花尤能助嬌態也今呼

千葉桃為助嬌花

天采 山堂肆考天采桃花也

妖客 西溪叢語桃花為妖客

紅雪 湖孺雜記湖墅有三勝地河渚蘆花名秋雪西

溪梅名香雪則臯亭之桃亦可名紅雪矣

輕薄花 杜甫詩輕薄桃花逐水流

解語花 蘇軾江行見桃花詩我觀解語花粉色如黃

李

李

葦綃 高隱外書葦綃開萬朵葢葦綃白而輕一時所

尚按謂李花也

杏

艷客 西溪叢語杏花為艷客

梨

瀛洲玉雨 清異錄司空圖菩薩蠻謂梨花為瀛洲玉

雨

淡客 西溪叢語梨花為淡客

白雪香 李白詩梨花白雪香

事物異名錄

卷三十三

三

瑞香

睡香 清異錄瑞香始緣一比邱晝寢磐石上夢中聞花香酷烈及既覺尋求得之因名睡香四方奇之謂為花中祥瑞遂以瑞易睡

露甲 說楮楚辭露甲即今之瑞香

麝囊 羣芳譜瑞香花名麝囊

興瑞花 益州方物畧記瑞香花繁密若綴先後相繼

蜀人號豐瑞花

殊友 山堂肆考曾端伯以瑞香為殊友

佳客 花木考張敏叔以瑞香為佳客

閨客 西溪叢語瑞香為閨客

紫風流 清異錄廬山僧舍有麝囊花一叢色正紫類

丁香號紫風流江南後主詔取植于移風殿賜名紫

蓬萊

錦薰籠 東坡別集瑞香今馬脰種最多大者名錦薰

籠

玉蘭

迎春 學圃雜疏玉蘭早于辛夷故宋人名以迎春當

其盛時可稱玉樹

辛夷

木筆 羣芳譜辛夷花開初生枝頭苞長半寸而尖銳

儼如筆頭故又名木筆

侯桃 格物總論辛夷紫苞紅焰一名侯桃

木房 正字通木筆花最早即離騷所謂辛夷者一名木房象苞形又本草經作房木

迎春 本草綱目木筆花最早南人呼為迎春又玉蘭亦名迎春

紅白籬 草木小乘辛夷花鮮紅似杜鵑俗稱紅白籬是也

留夷 宋玉風賦檠辛夷顏師古註辛夷一名留夷新雉 揚雄甘泉賦列新雉于林薄服虔註即辛夷雉夷聲相近也

第一花 陸游初夏詩木筆猶開第一花

山茶

曼陀羅 羣芳譜山茶一名曼陀羅

鶴頂紅 花譜山茶一名鶴頂紅

風茄兒 山茄子 本草綱目曼陀羅花一名風茄兒

一名山茄子

惡客 西溪叢語曼陀羅為惡客

照殿紅 草木志山茶花有數種照殿紅最佳者

寶珠 學圃餘疏山茶最重寶珠花大而心繁以蜀茶

稱

月丹 郝經陵川集詩註王承宣云山茶大者日月丹

玉茗 都勝 海紅 陶弼詩淺為玉茗深都勝大曰

山茶小海紅

清人樹 清異錄譌閩甘露堂前兩株茶官人呼為清人樹

丁香

百結花 山堂肆考江南人謂丁香為百結花
素客 花木考宋張景脩以丁香為素客
情客 西溪叢語丁香為情客

海棠

川紅 海棠譜江左謂海棠為川紅

花中神仙 百花譜海棠為花中神仙

名友 山堂肆考曾端伯以海棠為名友

蜀客 三柳軒雜識海棠為蜀客

富貴花 陸游飲海棠花下詩何妨海內功名士共賞

人間富貴花

花命婦 花戚里 牡丹榮辱志重葉海棠曰花命婦

多葉海棠曰花戚里

西府 紫綿 學圃餘疏海棠品類甚多就中西府為

最其名紫綿者尤佳

杜鵑

川鵑花 草花譜杜鵑出蜀中者佳謂之川鵑花

映山紅 紅躑躅 容齋隨筆杜鵑花乃今映山紅又

名紅躑躅

事物異名錄

卷三十三

六

山石榴 山躑躅 格物總論杜鵑花一名山石榴又名山躑躅

山客 西溪叢語躑躅為山客

謝豹花 廣事類賦杜鵑一名謝豹花

山礬

鄭花 韻會山礬一名鄭花

椀花 黃山谷詩序江南野中有一種小白花高數尺

春開極香野人謂之椀花王荆公陋其名予請名曰

山礬野人採椀花葉以染紫不待礬而成色故名

芸香 瑒花 春桂 本草綱目山礬一名芸香一名

瑒花一名春桂

海桐 學圃餘疏山礬一名海桐樹

七里香 格物總論山礬香氣穠郁號七里香又芸亦

名七里香

薔薇

山棘 牛棘 牛勒 刺花 刺紅 本草綱目薔薇

蔓生柔靡依牆故名牆薔其莖多棘刺勒人牛喜食

之故有山棘牛棘牛勒刺花諸名其子成簇如營星

故謂之營實又格物總論名刺紅

買笑 賈氏說林漢武與麗娟看花薔薇始開態若含

笑帝曰此花絕勝佳人笑也麗娟戲曰笑可買乎帝

曰可娟奉金百斤為買笑錢薔薇名買笑以此

錦被堆花 益州方物記俗謂薔薇為錦被堆花

玉雞苗 清異錄東平許司馬後圃薔薇花根下掘得

一石如雞狀五色燦然遂呼薔薇為玉雞苗

野客 三餘贅筆張景脩以薔薇為野客

山棗 本草薔薇一名山棗

牡丹

鹿韭 鼠姑 花王 木芍藥 通志草木畧牡丹一

名鹿韭一名鼠姑諸花皆用其名惟牡丹獨言花故

謂之花王本無名依芍藥得名故其初曰木芍藥

花后 山堂肆考牡丹一名花后

白木 廣雅白木牡丹也

百兩金 彙苑南人謂牡丹為百兩金

雄紅 花譜牡丹一名雄紅

醒酒花 天寶遺事明皇宿酒初醒凭西子肩同看牡

丹上折一枝與妃子遞嗅曰此花香艷尤能醒酒今

名木芍藥為醒酒花

頃刻花 太平廣記韓文公姪孫湘自言能開頃刻花

乃聚土以盆覆之俄生碧牡丹三朶葉上有小金字

一聯

富貴花 周濂溪愛蓮說牡丹花之富貴者也又海棠

亦名富貴花

大北勝 清異錄南漢見北人盛誇嶺海之強世宗遣

使入嶺館接者遺茉莉文其名曰小南強及銀玉面
縛偽臣到闕見洛陽牡丹大駭有縉紳謂曰此名大
北勝

貴客 花木雜考宋張景脩以牡丹為貴客

第一香 唐皮日休詩競誇天下無雙艷獨占人間第

一香

姚黃花 蘇軾詩洛陽相君忠孝家可憐亦進姚黃花

按姚黃者千葉黃牡丹出於民姚氏家故云

洛陽花 胡元質牡丹記蜀中自李唐後未有此花凡

圖畫者皆名洛陽花又石竹花千葉者亦名洛陽花

杜鵑紅 鸚鵡白 亳州牡丹史牡丹名杜鵑紅鸚鵡

白

楊家紅 一捻紅 青瑣高議仙春館有楊家紅貴妃

勻面口脂在手印於花上來歲花開有指印紅迹故

名一捻紅

瑞雲紅 劉賓客嘉話渾侍中宅牡丹徑尺名瑞雲紅

鶴翎紅 歐陽修洛陽牡丹記鶴翎紅其末白而木肉

紅如鴻鵠羽色

京花 川花 種樹書牡丹千葉者蜀人號為京花謂

洛陽種也單葉者只號為川花

芍藥

離草 韓詩外傳芍藥離草也

可離 將離 古今注芍藥一名可離故將別以贈之亦名將離

婪尾春 清異錄唐宋文人有謂芍藥為婪尾春者婪

尾酒乃最後之杯芍藥殿春亦得是名

白犬 羣芳譜昔有獵於中條山見白犬入地中掘得

一草根攜歸植之乃芍藥也故謂芍藥為白犬

艷友 三餘贅筆曾端伯以芍藥為艷友

花相 楊誠齋詩好為花王作花相按花相謂芍藥也

第一嬌 楊允孚詩揚州簾捲東風裏會惜名花第一

嬌按謂芍藥也

小牡丹 埤雅芍藥有千葉者俗呼小牡丹

黑牽夷 廣雅黑牽夷芍藥也又攣夷芍藥名

縷金囊 聚香絲 廣事類賦縷金囊聚香絲皆芍藥

名

疊香英 花譜紫芍藥一名疊香英

金帶圍 后山叢話廣陵芍藥有紅瓣黃腰者號金帶

圍

玉盤盃 東坡詩序東武舊俗每歲四月以芍藥供佛

而令歲最盛中有白花正圓如覆盃其下十餘葉承

之如盤姿格絕異因名之曰玉盤盃

餘醪

韻友 詞話曾端伯取友於十花韻友餘醪也

雅客 三餘贅筆張景脩以醑醢為雅客
才客 西溪叢語醑醢為才客

雪纓絡 清異錄薛能賞醑醢詩云香瓊綬帶雪纓絡

賽白 蔓君 四字天花 花聖人 傅粉綠衣郎

獨步春 沉香密友 清異錄陶子名客為醑醢開樽

坐人共撰小名有七曰賽白曰蔓君曰四字天花曰

花聖人曰慈恩傅粉綠衣郎曰獨步春日沉香密友

紫荆

滿條紅 羣芳譜紫荆一名滿條紅

蚍蜉 火蟻 爾雅翼其芟紫荆春時開花紫色自根

及幹連接甚密有類蟻窠故爾雅名蚍蜉俗曰火蟻

紫珠 本草別錄紫荆一名紫珠

玫瑰

徘徊 羣芳譜玫瑰一名徘徊

梅槐 資暇錄梅槐時人謂之枚榲實語訛強名也當

呼為梅槐江陵記云洪亭村下有梅槐樹因梅與槐

合生而名今玫瑰葉形處梅槐之間取此為證不乃

近乎

離娘 農圃書玫瑰俗呼為離娘草大凡花木不宜常

分獨此花嫩條新發勿令久存移別地則茂

刺客 西溪叢語玫瑰為刺客

木槿

事物異名錄

卷三十三

七

舜華 舜英 詩顏如舜華又顏如舜英陸璣疏舜
名木槿

日給華 埤雅木槿朝開暮落篤論曰日給之華

日及 王蒸 格物總論槿花朝開暮落一名日及亦

曰王蒸

麗木 花奴 本草綱目木槿名麗木一名朝開暮落

花一名藩籬草一名花奴

瘧子花 千金方小兒不可弄槿花惹病瘧槿為瘧子

花故也

裏梅花 桂海花志裏梅花即木槿紅白二種葉似蜀

葵采紅者連葉包裹黃梅鹽漬暴乾可以薦酒

時客 西溪叢語木槿為時客

朝菌 潘尼賦序朝菌者朝華暮落世謂之木槿按正

字通謂菌非木槿合為一物誤

佛桑

照殿紅 花木考佛桑葉似桑花深紅俗呼照殿紅又

寶石山茶皆名照殿紅

扶桑 羣芳譜東海日出處有扶桑樹佛桑花光燄照

日似之故亦名扶桑

朱槿 赤槿 日及 本草綱目扶桑一名佛桑一名

朱槿一名赤槿一名日及此乃木槿別種故有日及

諸名

木香

禁花 曲洧舊聞木香京師初無此花始禁中有數架花時民間或得之相贈遺號禁花今則盛矣

罌粟

米囊花 御米花 米殼花 羣芳譜罌粟一名米囊花一名御米花一名米殼花

賽牡丹

錦被花 本草綱目罌粟曰麗春又曰賽牡丹曰錦被花按羣芳譜麗春罌粟別種故另列於後

麗春

虞美人 百般嬌 農圃書麗春一名虞美人又名百般嬌

滿園春

學圃餘疏虞美人名滿園春

仙女蒿

定參草 龍羊草 本草註麗春草一名仙女蒿一名定參草並呼為龍羊草

仙人草

謝惠連贊園有嘉草名曰仙人按謂虞美人草也

舞草

山堂肆考虞美人草謂之舞草雅州有之

瓊花

玉蘂花

散水花 西溪叢語唐昌觀玉蘂花今之散

水花揚州瓊花今之聚八仙但木老耳野客叢書據

春明退朝錄招隱玉蘂卽后土瓊花然則玉蘂自是

瓊花也又水仙亦名玉蘂花

仙客 西溪叢語瓊花爲仙客

木蘭

林蘭 杜蘭 木蓮 黃心 本草綱目木蘭一名林

蘭一名杜蘭一名木蓮一名黃心其香如蘭其花如蓮其心黃故有諸名

女郎花 白居易題令狐家木蘭花詩從此時時春夢裏應添一樹女郎花

錦帶

鬢邊嬌 成都古今記錦帶花一名鬢邊嬌

海仙 王禹偁詩序錦帶花初得於海島間好事者以海棠爲花中神仙子謂此花不在海棠下宜以仙爲

號又取始得之地命曰海仙

文官花 杜詩註錦帶花一名文官花

玉簪

白鶴仙 季女 羣芳譜玉簪一名白鶴仙一名季女

又鶴或作萼

花戚里 牡丹榮辱志玉簪爲花戚里又多葉海棠亦

名花戚里

綠粧嚴 清異錄常保衡呼玉簪爲綠粧嚴

水仙

女史花 姚女兒花 內觀日疏姚姒夢觀星墜地化爲水仙花覺而產一女令淑有文觀星卽女史故今

事物異名錄

卷三十三

十四

水仙名女史花又名姚女兒花
配元 儷蘭 女星 三餘帖配元即今水仙也一名
儷蘭亦名女星

雅蒜 太平清話寶慶人呼水仙為雅蒜
雅客 三柳軒雜記水仙為雅客又醅醑亦名雅客
歲寒友 學圃雜疏其性得水則不枯故曰水仙真歲
寒友也

金盞銀臺 洛陽草木記水仙宛然盞樣故名金盞銀
臺

波上靈妃 孫齊之詩却疑波上步靈妃按謂水仙也
凌波仙子 黃庭堅詩凌波仙子生塵鞮按謂水仙也

粟玉花 玉蕊花 黃玉花 黃庭堅水仙詩折送南
園粟玉花又折送南園玉蕊花又糞壤能開黃玉花
玉玲瓏 羣芳譜水仙千瓣者名玉玲瓏

唐棣 附棣棠

棣棠 詩疏唐棣一名棣棠

金椀 藝花譜唐棣花單葉者名金椀

俗客 西溪叢語棣棠為俗客 棣棠

水盞 長春

金盞 杏葉 本草綱目金盞草一名杏葉草一名長

春花周憲王曰金盞花大如指頭黃色如盞四時不
絕

刺桐

鸚哥花 正字通刺桐花雲南名鸚哥花花形似之

金蠶豆 本草綱目金蠶草 一各各葉草 一各各

水墨花 徐時夏初夏即事詩蠶豆新開水墨花

梔子

木丹 簷蔔 本草經梔子一名木丹佛書稱其花為

簷蔔 廣雅梔子楸桃也

楸桃 廣雅梔子楸桃也

禪友 山堂肆考曾端伯以簷蔔為禪友

花形史 牡丹榮辱志簷蔔花為花形史

鮮支 類書上林賦有鮮支即梔子樹也

林蘭 格物總論梔子一名簷蔔其差大者謝靈運目

為林蘭

石榴

安榴 格物叢話榴花來自安石國故曰石榴亦曰安

榴有來從新羅國者以海榴名之

丹若 本草綱目若木乃扶桑之名榴花似之故有丹

若之稱

村客 西溪叢語石榴為村客 一各各葉 一各各

塗林 表異錄陸機與弟書張騫使外國得塗林塗林

謂安石榴也

石醋醋 博物志崔元微遇數美人李氏陶氏皆眾花

之精有緋衣少女曰石榴醋醋者乃石榴也

百花王 白居易石榴花詩好差青鳥使封作百花王

夜合

合歡 合昏 格物論夜合花一名合歡一名合昏

青棠 古今注青棠合歡也植之庭除使人不忿

蠲忿 嵇康養生論合歡蠲忿萱草忘憂

萌葛 烏賴 尸利灑 百一選方夜合俗名萌葛越

有情樹 人謂之烏賴樹金光明經謂之尸利灑樹

羣芳譜夜合亦云有情樹若各自種則無花

馬勝花 本草合歡花一名馬勝花

茉莉

鬢華 羣芳譜茉莉佛書名鬢華謂可飾頭髮也

奈花 丹鉛錄晉書都人簪奈花為織女帶孝即今茉莉

佛書茉莉花言奈花也

抹厲 沒利 抹利 末利 末麗 丹鉛錄洛陽名

園記云遠方奇卉如紫蘭抹厲王梅溪集作沒利又

作抹利朱文公集作末利洪景盧集作末麗

暗麝 格物叢話茉莉花東坡目為暗麝詩曰暗麝著

人簪茉莉

雅友 三餘贅筆曾端伯以茉莉為雅友

遠客 花木考宋張景脩以茉莉為遠客

狎客 本草綱目抹麗韋君呼為狎客

小南強 清異錄茉莉名小南強詳見前牡丹

萼綠君 墨莊漫錄閩廣多異花而茉莉為冠顏持約

愛而賦詩云嶺頭暑正煩見此萼綠君

狗牙 雪瓣 本草綱目有似茉莉而瓣大其香清絕

者謂之狗牙亦名雪瓣

素馨

耶悉茗 格物叢話素馨舊名耶悉茗與茉莉花皆從

西域移入

野悉蜜 龜山志素馨一名野悉蜜

韻客 西溪叢語素馨為韻客

蕃巷花 捫蝨新話製龍涎香須素馨花素馨惟蕃巷

者尤香龍涎以得蕃巷花為正

花嬖倖 牡丹榮辱志茉莉素馨為花嬖倖

荷

芙蕖 爾雅荷芙蕖又古作扶渠詩疏作夫渠

水且 水華 水芝 澤芝 雷芝 古今注皆荷花

名又水萍亦名水華冬瓜亦名水芝

水芸 廣事類賦註蓮花亦曰水芸

孰輦 金史國語解孰輦蓮也

玉環 三餘帖蓮花一名玉環

淨友 山堂肆考曾端伯以蓮為淨友

溪客 西溪叢語蓮為溪客

君子花 周茂叔愛蓮說蓮花之君子者也

草芙蓉 杜詩註芙蓉即蓮花也產于陸者曰木芙蓉

產于水者曰草芙蓉

朱華 曹植詩朱華冒綠池

天女 蘇轍詩蓮花生淤泥淨色比天女

凌波女 晏叔原秋蓮詞紅腰青腰舊識凌波女

水宮仙子 張文潛詩水宮仙子鬪紅粧按謂蓮花也

菡萏 詩隰有荷華箋未開曰菡萏已發曰芙蓉

芬陀利花 優鉢羅花 波頭摩花 記纂淵海佛書

云芬陀利花白蓮也優鉢羅花青蓮也波頭摩花赤

蓮也

華萃 孝經援神契王者德至於地則華萃感註並頭

蓮也 以下並頭蓮

合歡蓮 同心蓮 真珠船雙頭蓮即合歡蓮一名嘉

蓮一名同心蓮

水蓋 唐人詞荷拍水蓋 以下荷葉

鴛鴦蓋 鄭谷詩多謝浣溪人不折雨中留得蓋鴛鴦

葵

一丈紅 古南方草木記浙中人種葵俗名一丈紅

忠客 西溪叢語葵為忠客

衛足花 董師植午日詩衛足花前弔鮑莊按左傳鮑

莊子之智不如葵葵猶能衛其足

鴨脚 格物論葵有鴨脚之名

紫露 承露 爾雅葵葵露露註承露也大莖小葉花
紫黃色又幘亦名承露 葵葵

芘芣 古今注荆葵一名戎葵一名芘芣一名蜀葵按
卽詩所謂葍也又紫荆亦名芘芣 蜀葵

鍍金木槿 湘烟錄溫庭筠曰黃葵是鍍金木槿 黃葵

硫黃杯 陳司封詩秋風似學金丹術戲把硫黃製酒
杯按謂秋葵也 以下秋葵

側金盤 羣芳譜秋葵一名側金盤

蘭 左傳蘭有國香人服媚之

百草長 元覽蘭為百草之長

芳友 山堂肆考曾端伯以蘭為芳友

王者香 琴操孔子見隱谷之中幽蘭獨茂嘆曰夫蘭
為王者香今乃與眾草伍乃援琴作猗蘭操

第一香 清異錄蘭無偶稱為第一香又牡丹亦名第
一香

香祖 清異錄江南人以蘭為香祖

馨列侯 清異錄唐國主賞新蘭詔取滬溪美土為馨
列侯壅培之具

媚世 退居錄蘭一名媚世

幽客 西溪叢語蘭為幽客

待女花 採蘭雜志蘭待女子同種則香故名待女花

魚子蘭 羣芳譜真珠蘭一名魚子蘭 真珠蘭

劍葉蘭 事物紺珠建蘭即劍葉蘭 建蘭

蕙

零陵香 埤雅蕙即今零陵香

鈴鈴香 鈴子香 補筆談零陵香唐人謂之鈴鈴香

亦謂之鈴子香謂花倒懸枝間如小鈴也

燕草 董草 南越志零陵香一名燕草又名董草

黃柔草 本草綱目蕙草一名黃柔草

萱花

鹿葱 宜男 續博物志萱草一名鹿葱一名宜男

丹棘 鹿劍 妓女 本草綱目萱草一名丹棘一名

鹿劍 一名妓女

合草 輟耕錄合草宜男花也見傅元賦 蘇晉山世

護階君子 清異錄常保衡呼鹿葱為護階君子

忘憂花 山堂肆考孟昶時梁守珍獻忘憂花鏤金於

花上曰獨立仙按謂萱也

療愁花 述異記紫萱吳人謂之療愁花

兒女花 孟郊詩萱草兒女花不解壯士憂

紫薇

怕癢花 格物總論紫薇花俗名怕癢花樹身光滑俗

因號為猴刺脫

滿堂紅 湧幢小品紫薇一名滿堂紅

百日紅 于念東集紫薇迎秋卽放秋盡尙花俗呼百

日紅

高調客 三柳軒雜識紫薇爲高調客

紫綬花 劉禹錫詩丰茸紫綬花明麗碧天霞按謂紫

薇也

官樣花 陸游詩鐘鼓樓前官樣花按謂紫薇也

山丹

紅百合 羣芳譜山丹一名紅百合又一種番山丹高

四五尺瓣俱反捲一葉生一子名回頭見子花按紅

百合又藥名入後藥材部

紅繡毬 學圃雜疏初見閩人來賣一花云是紅繡毬

倭國中來者後至建寧見縉紳家庭中花簇紅毬儼

如剪綵名曰山丹乃知是閩人卉也

金錢

子午花 羣芳譜金錢花一名子午花以其午開子落

也

毗尸沙 剪金花 酉陽雜俎金錢花本出外國名曰

毗尸沙一名日中金錢俗名剪金花

潤筆花 花史鄭榮嘗作金錢花詩夢一紅裳女子擲

金錢與之曰爲君潤筆遂呼爲潤筆花

閣提花 捫蝨新話王安石以爲院落深沉杏花雨乃

似闌提花翻譯名義集闌提花此云金錢花
金榜及第花 羣芳譜夜落金錢花予改為金榜及第

花

鳳仙

金鳳 羣芳譜開花頭翅羽足俱翹然如鳳故又有金
鳳之名

海納

小桃紅

染指甲草

羣芳譜鳳仙一名海納

一名小桃紅一名染指甲草

海囊

戒菴漫筆金鳳花都下稱為海囊

菊婢

格物叢話金鳳花張宛邱菊詩中呼為菊婢

早珍珠

羣芳譜鳳仙一名早珍珠

好女兒花

花史宋光宗李后小字鳳宮中避諱呼鳳

仙為好女兒花

倒影花

羣芳譜謝長裾見鳳仙花葉上金膏以塵尾

稍染膏灑之折一枝插倒影山明年此花金色不去

今有斑點大小不同若灑金名倒影花

急性

夾竹桃

本草綱目鳳仙一名急性一名夾竹

桃

羽客

廣事類賦註鳳仙韋君呼為羽客又道士之稱

雞冠

洗手花

花史雞冠宋洛中謂洗手花中元節兒童唱

賣以供祖先

玉樹後庭花 蘇子由詩註雞冠即玉樹後庭花

波羅奢花 說楮雞冠花佛書謂之波羅奢花

秋海棠

八月春 採蘭雜志秋海棠一名八月春又散士之賦

斷腸花 羣芳譜舊傳有女子懷人不至淚灑地遂生

此花故名斷腸花

剪春羅

剪紅羅 羣芳譜剪春羅一名剪紅羅

剪秋羅

漢宮秋 羣芳譜剪秋羅一名漢宮秋

桂

木犀 閩部疏凡桂四季者有子江南桂八九月盛開

無子此木犀也

紫陽花 南部新書招賢寺僧植桂香紫可愛郡守白

公號為紫陽花

無瑕玉花 花史無瑕嘗著素裳折桂明年開花潔白

如玉女伴折取簪髻號無瑕玉花

仙友 仙客 類書宋曾端伯謂桂為仙友張敏叔謂

桂為仙客

巖客 西溪叢語木犀為巖客

九里香 墨莊漫錄木犀花湖南呼九里香

金雪 湖孺雜記滿覺街桂花可名金雪

古香 李賀詩畫欄桂樹懸古香

珠英 李德裕詩珠英粲如綺按謂桂也

金粟 魏了翁桂詩虎頭點點開金粟又燈花名

廣寒仙 陸游木犀詩眼明初見廣寒仙

菊

黃華 禮記鞠有黃華史正志菊譜菊以黃為正故繫

稱黃華

治藩 爾雅菊治藩

周盈 抱朴子周盈菊也

節花 女節 女華 女葦 日精 更生 金蕊

陰成 傅延年 喜容 本草綱目菊一名節花一名

女節一名女華一名女葦一名日精一名更生一名

金蕊一名陰成一名傅延年又名喜容

禽華 古今苑見禽華川麝色註禽華菊也

帝女花 廣韻帝女花菊也

延齡客 仙書菊花為延齡客

壽客 西溪叢語菊為壽客

佳友 詞話曾端伯以菊為佳友

冷香 羣芳譜王十朋以菊為冷香

錦玲瓏 金玲瓏 粉玲瓏 菊譜菊一名錦玲瓏又

名金玲瓏粉玲瓏 笑靨金 清異錄侯寧極藥譜笑靨金菊花也

金剛不壞王 清異錄懿宗賞花歌曰長生白久視黃
共拜金剛不壞王謂菊花也

金花 左貴嬪菊花頌春茂翠葉秋耀金花

晚節香 韓琦詩不羞老圃秋容淡猶有黃花晚節香

霜下傑 蘇軾菊詩况此霜下傑清芬絕蘭茝

重陽花 顧瑛詩菊開重陽花對酒莫辭滿

君子花 高啟詩菊本君子花幽姿可相親又蓮花亦

名君子花

家菊 菊譜甘菊 名家菊人家種以供蔬茹 甘菊

回峯菊 本草蘇頌曰白菊類人呼為回峯菊 白菊

芙蓉

木蓮 拒霜 羣芳譜木芙蓉一名木蓮一名拒霜又

薛荔木蘭皆名木蓮

華木 栳木 本草綱目芙蓉一名華木一名栳木

醉客 西溪叢語芙蓉為醉客

綺帳 廣事類賦註芙蓉一名綺帳

秋牡丹 江湖長翁集詩更與蘇隄鷗鷺約辦舟來賞

牡丹秋自註俗目芙蓉為秋牡丹

巧笑花 芮挺章詩芙蓉巧笑花

文官花 花史邛州有弄色芙蓉其色屢變人號為文

官花又錦帶花亦名文官花

黃心樹 舊唐書白居易傳木蓮大者高四五丈巴人

呼為黃心樹

含笑

佞客 西溪叢語含笑為佞客

月季

鬪雪紅 勝春 羣芳譜月月紅一名鬪雪紅一名勝

春又勝春或作長春

癡客 西溪叢語月季為癡客又本草綱目作瘦客

蠟梅

奇友 山堂肆考曾端伯以蠟梅為奇友

寒客 西溪叢語蠟梅為寒客

黃梅 范成大梅譜蠟梅原名黃梅蘇黃門命為蠟梅

黃千葉 蘇軾雪詩青松嶺上黃千葉載酒年年踏雪

時註黃千葉蠟梅也

小黃香 楊廷秀詩來從真蠟國自號小黃香

狗蠅梅 磬口梅 檀香梅 本草綱目臘月開小花

而香淡名狗蠅梅經接而花疎開時含口者名磬口

梅花密而香濃色黃如紫檀者名檀香梅

柳花

柳絨 羣芳譜柳絮又名柳絨

狂客 西溪叢語楊花為狂客

倡園花 江總折楊柳樂府不悟倡園花遙同羌嶺雪

按古詩楊柳動春情倡園妾屢驚故楊柳花名倡園

花

鼓子花

田客 西溪叢語鼓子花為田客

棠梨花

梔花 丹鉛錄孝子傳尹伯奇採梔花以為食註梔花

山梨也今名棠梨

鬼客 西溪叢語棠梨花為鬼客

鴨腳花

碧鳳 洛陽花木記碧鳳花一名鴨腳又鴨腳葵名

事物異名錄卷三十四

慈谿 厲靜菴先生荃 原鞞

仁和 關晉軒先生槐 增纂

果蔬部

總名

核果 膚果 殼果 檜果 角果 蜀都雜鈔果有

五棗杏等謂之核果梨柰等謂之膚果椰子胡桃等
謂之殼果松子栢仁等謂之檜果大小豆等謂之角
果膚皮膚可啖也檜字書粗糠皮謂之檜

梅

酢 埤雅梅一名柶其實酢

青子 梅譜桂林立春梅已過元夕則嘗青子

曹公 夢溪筆談吳人多謂梅子為曹公以嘗望梅止

渴也又謂鶯為右軍以嘗寫經換鶯也有士人遺醋

梅與燐鶯作書曰醋浸曹公一瓶湯燐右軍兩隻

和鼎實 黃庭堅詩古來和鼎實此物升廟廊按謂梅

也

乾蓀 周禮饋食之籩其實乾蓀註蓀乾梅也又廣志

蜀名梅為蓀大如鴈子

乾腊 山海經雲山之上其實乾腊註腊乾梅也

桃

瓊實 幽明錄劉晨阮肇共入天台得山上數桃啖之

見二女固邀還家勅婢云二郎雖得瓊實腹尚虛弊
可速作食

仙果 本草綱目昔人謂桃為仙果

餘甘尉 清異錄鄴中環桃特異後唐莊宗曰昔人以

橘為千頭木奴此不為餘甘尉乎

桃梟 桃奴 梟景 本草桃實已乾著木上經冬不

落者名桃梟味苦微溫療中惡腹痛一名桃奴一名

梟景

李

嘉慶子 韋述兩京記東都嘉慶坊有李甘鮮人稱為

嘉慶子

居陵迦 本草綱目梵書李曰居陵迦

朱實 謝元暉詩夏李沉朱實

碧實 韓愈詩冰盤夏薦碧實脆按碧實謂李又吳淑

桃賦響碧實於西遊是桃亦名碧實

夏李 鼠李 述異記李大者謂之夏李尤小者呼為

鼠李

杏 附巴旦杏

甜梅 江南錄楊行密改杏為甜梅

金剛拳 農書北方肉杏甚佳赤大而扁謂之金剛拳

八擔杏 忽鹿麻 本草綱目巴旦杏一名八擔杏一

名忽鹿麻又八擔或作八丹或作八達 巴旦杏

梨

山橋 爾雅梨山橋疏在山曰橋人植曰梨

百果宗 南史張敷曰梨是百果之宗楮何敢比也

快果 玉乳 青田果 元圃實 本草綱目梨一名

快果一名玉乳又名青田果元圃實

蜜父 清異錄建業野人種梨者詫其味曰蜜父

百損黃 清異錄一盆百損者梨密氏曰梨為百損黃

五藏刀斧 山堂肆考唐李建勳連食數梨賓僚有曰

梨號五藏刀斧不可多食

柰

掩菴 博雅掩菴柰也

頻婆 本草綱目柰梵言謂之頻婆今北人亦稱之與
林檎一類二種也

相思果 翻譯名義頻婆此云相思果色丹且潤

林檎

來禽 廣志林檎似赤柰子一名來禽言味甘熟來眾

禽也北人呼為頻婆果

聯珠果 文林果 洽聞記唐魏郡人王方言種林檎

進於高宗謂之聯珠果因賜方言文林郎故又名文

林果

花紅 沙果 編珠林檎俗名花紅六者名沙果

楸子 本草綱目林檎即柰之小而圓者其味酢者楸

子也

櫻桃 附山櫻桃

含桃 禮記仲夏之月天子羞以含桃註以鶯鳥所舍

故名含桃

荆桃 爾雅楔荆桃註今櫻桃也

崖蜜 鬼谷子崖蜜櫻桃也

牛桃 英桃 博物志櫻桃一名牛桃一名英桃

麥英 朱棣 吳氏本草櫻桃一名麥英一名朱棣

櫻珠 卑雅櫻桃本名鶯桃小者為櫻珠

蠟珠 楊膳夫錄櫻三種蠟珠最美

紅珠 白居易詩櫻桃子綴小紅珠

金丸 白居易詩金丸大小勻按謂櫻桃也

火齊珠 劉原夫詩磊落火齊珠按謂櫻桃也又玫瑰

亦名火齊珠

紅靺鞨 文同朱櫻歌翡翠一盤紅靺鞨

朱砂果 徐時夏初夏卽事詩櫻桃初染朱砂果

朱桃 麥櫻 英豆 李桃 柰桃 本草綱目山櫻

桃一名朱桃一名麥櫻一名英豆一名李桃一名柰

桃樹如朱櫻子小而尖 山櫻桃

楊梅 附水楊梅

日精 雲仙雜記陸展見楊梅嘆曰此果恐是日精又

震與菊菊皆名日精

君家果 世說楊氏子九歲甚聰慧孔君平詣其父不

在乃呼兒出設果果有楊梅孔指以示兒曰此是君

家果兒應聲答曰未聞孔雀是夫子家禽

楞梅 能改齋漫錄越州人呼楊梅爲楞梅

火實 杔子 廣事類賦楊梅一名火實又名杔子又

本草補遺杔子山楮一物也

聖僧 類書揚州呼白楊梅爲聖僧

驪珠 陸游詩未愛滿盤堆火齊先驚探領得驪珠按

謂楊梅也

地椒 本草水楊梅一名地椒 水楊梅

枇杷

盧橘 彙苑今廣東呼枇杷為盧橘其葉名無憂扇又
本草綱目以金橘為盧橘

蝟兒 清異錄建業人種枇杷誇其色曰蝟兒又貴耳

集作蝟兒

焦子 廣志枇杷無核者名焦子

炎果 謝瞻枇杷樹賦成炎果於纖露又本草一名炎

火精

金珠 蘇軾詩枇杷已熟粲金珠

黃金丸 宋景文詩樹繁碧玉柯子疊黃金丸按謂枇

杷也

石榴

若榴 廣雅若榴石榴也

金櫻 天中記杭州號石榴為金櫻避錢武肅諱而起

也

天漿 酉陽雜俎石榴甜者名天漿

三尸酒 本草綱目道家書謂榴為三尸酒言三尸蟲

得此果則醉也

錦香囊 紅豆顆 莊布石榴歌霜風擊破錦香囊

鵝啄殘紅豆顆

血珠 白居易山石榴詩日射血珠將滴地

葡萄 附蓂莢

蒲桃 本草綱目葡萄漢書作蒲桃可以造酒

草龍珠 西陽雜俎葡萄沙門曇霽植之仰觀若帷蓋
房實磊落時人號為草龍珠帳

賜紫櫻桃 清異錄溫庭筠曰葡萄是賜紫櫻桃

黑水精 本草葡萄一名黑水精

冰丸 古詩酒酣試取冰丸嚼不說天南有荔枝按謂

葡萄也

馬乳 韓愈葡萄詩滿盤堆馬乳

金瑯瑤 唐彥謙詩滿架高撐紫絡索一枝斜鞦金瑯

瑤按謂葡萄也

甘露乳 吳澄蒲萄詩見此西涼甘露乳冷然齒頰生

寒酥

燕菓 嬰舌 本草綱目菓與蒲桃無異其實小而

圓色不甚紫一名燕菓一名嬰舌一名山葡萄一名

野葡萄 菓與

桑椹

文武實 本草註桑椹熬膏治瘰癧名文武膏以椹名

文武實也

荔枝

離支 本草綱目荔枝司馬相如上林賦作離支

柘枝紅 花譜荔枝一名柘枝紅

側生 黃庭堅題貴妃齒痛圖豈非多食側生動搖其

左車乎按側生謂荔枝左思蜀都賦荔枝側生

壓枝天子 釘坐真人 清異錄閩士臨川人會京師
各舉鄉產閩士曰我土荔枝真壓枝天子釘坐真人
天下安有並駕者

丁香子 開元遺事明皇命方士以藥傳荔枝根得核
小宮人呼爲丁香子

奇實 北戶錄荔枝其肪瑩白不減水精性熱液甘乃
奇實也

紅雲 表異錄劉鋹每荔枝熟設紅雲宴

赤蚌珠 紅犀角 水蠶繭 火鳳冠 陶弼荔枝詩

赤蚌遺珠顆紅犀犀露角端又一簇冰蠶繭千苞火鳳
冠

鶴頂鮮 韓偓詩葉襯金盤鶴頂鮮按鶴頂鮮謂荔枝
也

蘋虬珠 海山仙人 蘇軾食荔枝詩冰盤薦此蘋虬
珠又海山仙人絳羅襦

皺皮生 蘇軾龍眼詩獨使皺皮生弄色映瑤俎詠皺
皮指荔枝

晚紅 陸游詩北嶺空思劈晚紅按謂荔枝也

水精丸 歐陽修浪淘沙詞荔枝初丹絳紗囊裏水精
丸

龍眼

龍目 比目 山堂肆考龍眼一名龍目一名比目

驪珠 燕卵 蜜脾 鮫淚 本草綱目龍卵俗名圓眼一名驪珠一名燕卵一名蜜脾一名鮫淚又楊梅亦名驪珠

益智 稻含草木狀龍眼一名益智言味甘歸脾而益智也

海珠 清異錄賈人自嶺外還得一枝龍眼已鹽乾凡四十團共千枚至荆南獻高俅勉因作小琅玕檻子立置之曰海珠叢

荔支奴 南方草木狀荔支過龍眼即熟故謂之荔支奴言常隨其後也

亞荔支 海錄碎事龍眼一名亞荔支

繡水團 川彈子 清異錄龍眼金但知其名繡水團

川彈子而已

聰明丸 劉孝勝益智詩寧推不迷草詎識聰明丸

柿 附棹柿君遷

鎮頭迦 本草綱目柿一名鎮頭迦

朱果 事物合璧柿朱果也又說文柿赤實果也

丹果 孔平仲詩林中有丹果按謂柿也

蘋虬卵 韓愈詩燃雲燒樹火實駢金烏下啄蘋虬卵

漆柿 青棹 烏棹 花棹 赤棠棹 本草綱目棹

乃柿之小而卑者故謂之棹柿浸汁可染諸物故有

漆柿之名又名青棹烏棹花棹赤棠棹又青棹或作

綠棹

棹柿

槩棗 梔棗 紅藍棗 本草綱目君遷即槩棗一名

梔棗一名紅藍棗其木類柿但結實小而長狀如牛

奶即今牛奶柿也一種小圓如指頭大者名丁香柿

味尤美按李時珍曰柿之小而如折二錢者謂之猴

棗殆即槩棗歟

君遷

附金橘

木奴 獨異志李衡種橘千樹謂其子曰吾有木奴于

頭可為汝業又本草綱目謂柑為木奴

金香大丞相 清異錄莊宗進新橘命諸伶咏之唐朝

美詩先成曰金香大丞相兄弟八九人

金衣果 野客叢書吳均橘賦金衣之果亦委體於玉

盤

李衡奴 羅隱詩金顆李衡奴 廿二史劄記曰

榛 涪翁雜志武陵有一種小橘名榛疑即今之金橘

以下

小木奴 元稹詩金丸小木奴按謂金橘也 日與實也

黃金彈 黃庭堅金橘詩霜枝搖落黃金彈

金柑 山橘 夏橘 給客橙 本草綱目金橘一名

金柑一名山橘此橘夏熟裴淵廣州志謂之夏橘魏

王花木志謂之給客橙以其芳香如橙可供給客也

讓木 江隣幾雜志橘樹直竦枝葉不相妨蜀人謂之

讓木 橘樹 山林北錄夏熟葉凋實代志附之夏熟

佛手柑 附佛手柑 蘇州府志本草綱目金輪藏

金輪藏 清異錄李甘家號柑子為金輪藏

瑞聖奴 清異錄天寶年內中柑樹結實帝日與貴妃

賞御呼為瑞聖奴

甘心氏 清異錄皮光業號茗飲今日東表請嘗新柑

纔至呼茶甚急題詩曰未見甘心氏先迎苦口師

黃苞 潘岳笙賦披黃苞以授柑

黃甘果相如上林賦黃甘橙榛註郭璞曰甘橘屬而味

精黃甘曰金香大志賦只陳八人

溫尹平陽侯 蘇軾黃甘傳黃甘拜溫尹平陽侯封其

子為穰侯

飛穰 藝海洞酌佛手柑一名飛穰 佛手柑

橙

金毬 鵠殼 羣芳譜橙一名金毬一名鵠殼

香藥 木山堂肆考香藥橙子別名又香藥或謂即柚之

大者或謂即香綠

柚

條 埤雅柚一名條秦風所謂有條者即此

蜜團 原始今江南產大橘名曰柚俗呼蜜團

壺柑 臭橙 蜜筍 朱欒 本草綱目穠與柚同一

事物異名錄 卷二十四
名壺柑一名臭橙今人呼其黃而小者為蜜甯其大者謂之朱欒最大者謂之香欒爾雅謂之櫟又曰櫟

香櫟

枸櫞 香圓 本草綱目枸櫞一名香櫟又橘錄或作

香圓或作香欒

木瓜

附棋櫬櫬子

楸 爾雅楸木瓜註實如小瓜酢而可食

鐵脚梨 清異錄木瓜性益下部若脚膝筋骨有疾者

必用焉故方家號為鐵脚梨

繡瓜 陸游木瓜詩宣城繡瓜有奇香

蠻櫬 瘡櫬 木李 木梨 本草綱目棋櫬一名蠻

櫬一名瘡櫬一名木李一名木梨 以下棋櫬櫬子

木桃 和圓子 本草綱目櫬子一名木桃雷公炮炙

論和圓子即此也

楹梓 本草綱目棋櫬乃木瓜之大而黃色無重蒂者

也櫬子乃木瓜之短小而味酢澀者也楹梓則櫬類

皆之生於北土者也三物與木瓜皆是一類各種

白果 靈眼

靈眼 銀杏 瑣碎錄北人稱為白果南人稱為靈眼

宋初入貢改為銀杏

鴨脚子 格物論銀杏名鴨脚子因葉相似也

平仲 正字通左思吳都賦平仲裙櫬註劉成曰平仲

之木實如銀陳藏器以為即銀杏也

佛指甲 舊浙江通志銀杏俗名佛指甲

未橄欖 附餘甘 銀杏

諫果 齊東野語橄欖曰諫果

忠果 羣芳譜橄欖一名忠果

青果 學齋佔畢橄欖雖熟亦青故謂之青子亦謂之

青果 圖經感擘俗作橄欖

感擘 郝經橄欖詩註南人謂之格覽

柯欖 齊氏要術東岳呼餘甘柯欖同

橄欖亦名柯欖

木威 南威 廣志東向枝曰橄欖南向枝曰木威又

名南威

菴摩勒 羣芳譜餘甘形類橄欖一名菴摩勒

味諫 黃山谷詩註餘甘一名味諫今稱諫果按餘甘

形圓橄欖形長同一物耳故皆有諫果之稱

胡桃

播羅師 本草綱目胡桃一名羌桃一名核桃梵書名

蝦蟆

棗 附羊冠棗

聖花兒 清異錄或謂棗是聖花兒

聖花兒

聖花兒

聖花兒

聖花兒

聖花兒

聖花兒

聖花兒

聖花兒

聖花兒

百益紅 清異錄百益一損者棗醫氏曰棗為百益紅

棘實 孔叢子棘實謂之棗桑實謂之甚

紅皺 竹坡詩話韓退之城南聯句云紅皺晒瓦簷黃

團繫門衡紅皺當是棗

木蜜 太平廣記木蜜棗子也

細腰 廣志棗名細腰又杵與杵神皆名細腰

羊角 雞心 表異錄古詩風搖羊角樹日映雞心枝

羊角雞心皆棗別名又筍與薜若皆名羊角

鹽官棗 萬歷杭州府志鹽官棗今俗呼羊冠棗

河東飯 清異錄晉王嘗窮追汴師糧運不繼蒸粟以

食軍中遂呼粟為河東飯 本草綱目棗實一名

篤迦 本草綱目栗梵書名篤迦

芋栗 埤雅江南有小栗謂之芋栗人謂芋為茅誤

栗茨 本草綱目栗實內薄皮名栗茨

菜蝟 庶物異名疏埤雅云栗有菜蝟自裹謂栗房也

榧子 赤果 本草綱目榧實一名榧子信州玉山縣

者為佳土人呼為赤果亦曰玉榧

玉山果 蘇軾詩彼美玉山果粲為金盤實按謂榧也

松子

卷二四

十四

玉角子 能牙子 貴耳集建業間新羅使者多攜松子賂公卿家問其名有玉角子能牙子

實對

蜜核橄 蜜屈律 木蜜 木錫 木珊瑚 雞距子

雞瓜子 雞橘子 結留子 本草綱目枳椇一名

蜜核橄一名蜜屈律一名木蜜一名木錫一名木珊

瑚一名雞距子一名雞瓜子一名雞橘子一名結留

子按木蜜古今注作樹蜜又枸與棗子亦名木蜜

棘枸 本草枳椇子俗呼為棘枸 栗人謂芋為棗棘

樣 本草綱目栗棘膏

椽斗 皂斗 櫟椽 柞子 本草綱目椽實一名椽

斗一名皂斗一名櫟椽一名柞子

苞櫟 詩山有苞櫟註皂斗也

籽斗 陸璣詩疏徐州謂櫟為籽其子為皂斗今京洛

及河內多言籽斗或云椽斗又說文椽作椽

柞實 周禮大司徒其植物宜皂物註今世間謂柞實

為皂斗

木連 古今注籽實曰椽東海及徐州謂之木連

甘蔗

都蔗 諸蔗 逸雅甘蔗亦曰諸蔗曰都蔗曰諸蔗或

作軒蔗

竿蔗 本草綱目甘蔗側種庶出故字從庶嵇含作竿

蔗謂其莖如竹竿也離騷漢書皆作柘字又名諸出
許氏說文蓋蔗音之轉也

諸柘 容齋隨筆子虛賦所云諸柘巴且諸柘者甘蔗
也

石蜜 留青曰札廣右甘蔗色白而甚細其堅如竹名
曰石蜜又蔗漿煎之為糖亦名石蜜

黃金類 清異錄邱鵬南出甘蔗啖朝友云黃金類
甘露子

地蠶 土蛹 續博物志地蠶一名土蛹味甘故名甘
露子

草石蠶 食物本草草石蠶即甘露子可為菜亦可充

果

榭

櫟榭子 本草綱目榭實木強故俗謂之櫟榭子

椰

越王頭 南方草木狀椰實俗謂之越王頭昔林邑王
與越王有怨遣人刺得其首懸之於樹化為椰子當
刺時越王大醉故其漿猶如酒云

胥餘 本草綱目椰子一名胥餘

椒

檄 爾雅檄大椒註今椒樹叢生實大者名為檄

陸檄 通志椒曰陸檄曰南椒生漢中者曰漢椒蜀中

者曰蜀椒巴中者曰巴椒又食物本草秦椒名花椒
蜀椒名川椒

扁鵲銘 清異錄椒又名扁鵲銘

蓂蕝 胡辛 含丸使者 本草綱目蜀椒一名巴椒

一名蓂蕝一名胡辛一名含丸使者

昧履支 西陽雜俎胡椒出摩伽陀國呼為昧履支

木叔 清異錄侯寧極藥譜木叔胡椒也

勃薺

鳧苳 爾雅芍鳧苳註生下田苗似龍鬚而細根如指

頭黑色可食按此即烏芋也芍音曉

烏芋 本草綱目烏芋其根似芋而黑色鳧喜食之故

爾雅謂之鳧苳後遂訛為鳧茨又訛為勃薺

黑三棱 地栗 本草綱目烏芋一名黑三棱一名地

栗皆形似也

西瓜

寒瓜 本草綱目西瓜一名寒瓜胡嶠陷盧記言嶠征

回紇得此種歸名曰西瓜則西瓜自五代時始入中

國亦甜瓜之類也又冬瓜亦名寒瓜

蒼玉餅 真珠船文文山西瓜吟云拔出金佩刀切破

蒼玉餅千點紅櫻桃一團黃水晶

無漏子

千年棗 萬歲棗 海棗 波斯棗 番棗 苦魯麻

本草綱目無漏子一名千年棗一名萬歲棗言其樹性耐久也一名海棗一名波斯棗一名番棗言其種自外國來也番人名曰苦魯麻棗

金果 輟耕錄成都有金果樹實如棗而大每歲採收進獻番人名曰苦魯麻棗

蓮子

葇蕈 葇蕈 說文蓮荷實也一名葇蕈又名葇蕈

本草綱目名藕實一名葇蕈一名蕈

湖目 酉陽雜俎湖目蓮子也

玉蛹 蘇軾詩不似荷花窠裏蜜方成玉蛹未成蜂按玉蛹謂蓮子也

白玉蟬 蘇軾詩綠玉蜂房白玉蟬折來帶露復含烟按白玉蟬亦謂蓮子也

藕

茄 爾雅荷芙蕖其本菔其根藕疏蜀人以藕為茄

光旁 詩疏藕幽州人謂之光旁

白藕 格物論藕荷根乃莖下白藕在泥中者

省事三 清異錄北戎出藕頗佳然止三孔用漢語轉

譯其名曰省事三

水丹芝 加實 雲笈七籤藕實一名水丹芝一名加實

玉玲瓏 玲瓏腕 樹萱錄白蘋洲白衣女子吟曰藕

隱玲瓏玉花藏縹緲容故藕爲玉玲瓏又吳梅邨詩
千絲碧藕玲瓏腕

玉臂龍 清異錄崔遠家墅在長安城南就中襖池產
巨藕相傳爲襖實又曰玉臂龍

雨草 北堂書鈔歲欲雨雨草先生藕是也

玉節 陶弼詩萬頃金沙裏誰將玉節栽按玉節謂藕
也

雞頭

菝 茨 方言雞頭北燕謂之菝淮泗謂之茨

鴻頭 暖菝 說文茨一名鴻頭又名暖菝

雁頭 烏頭 古今注茨一名雁頭一名烏頭

雁啄 廣雅茨一名雁啄

鴈實 本草經雞頭一名鴈實

雞雍 卵蔕 為子 本草綱目茨莊子謂之雞雍管

子謂之卵蔕陶宏景曰此卽今為子也

水碗黃 孫公談圃茨甘滑可食名爲水碗黃

雞珠 王世貞詩採得雞珠和蔕賣按雞珠卽雞頭也

蔕

蔕攔 芰實 爾雅蔕蔕疏蔕一名蔕攔楚人名蔕

曰芰本草謂之芰實

水栗 格物總論蔕蔕也一名水栗

蔕蔕 說文蔕秦謂之蔕蔕按爾雅蔕蔕乃決明之名

非蕨攔也

沙角 本草綱目菱一名沙角

雁來紅 吳郡志雁來紅菱名又老少年亦名雁來紅

菊

瓊花 王世貞荷斜折蕨枝吹菊黃以蕨枝作瓊花

水滸黃 蘇公燕園大甘出巴食谷無水滸黃

干菊之類菊詞云景曰此菊今燕于也

華垂 明菊 燕于 本草綱目火集于菊之類

黃 本草綱目燕于 亦名黃

燕于 燕于 亦名燕于

